

К ОПУБЛИКОВАНИЮ

КОМИ РЕСПУБЛИКАСА ЮРАЛЫСЬЛӨН ИНДӨД

Коми Республикаса Сыктивдін районлөн да Сыктивкарлөн торъя мутасьясын лэбачьяслөн зэв патогенной грипп серти дзескөдан мероприятияс (карантин) урчитом йылысь

«Ветеринария йылысь» Россия Федерацияса Оланпаслөн 3.1 да 17 статьяс, «Пемосьяслөн вуджан, сы лыдын торъя опасной, висьомьяслысь, кутшомьяс серти вермёны урчитны дзескөдан мероприятияс (карантин), лыддьог вынсьодом йылысь» Россия Федерацияса видз-му овмөс министерстволөн 2011 во ошым толысь 19 лунся 476 №-а да «Олөдан, диагностика вочан, дзескөдан да мукөд мероприятие збыльмөдан, карантин да мукөд дзескөдом, кутшомьясөс веськөдома сы вылө, медым видзчысьны лэбачьяслөн зэв патогенной грипп паськаломьсь да бырөдны висьманіньяссө, урчитан да дугөдан ветеринарной правилөяс вынсьодом йылысь» Россия Федерацияса видз-му овмөс министерстволөн 2021 во рака толысь 24 лунся 158 №-а тшөктөдьяс серти (водзö – Ветеринарной правилөяс), «Коми Республикаса Сыктивдін районлөн да Сыктивкарлөн торъя мутасын лэбачьяслөн зэв патогенной грипп серти дзескөдан мероприятияс (карантин) урчитом йылысь» Коми Республикаса видз-му овмөс да потребительской рынок министрлөн 2023 во йирым толысь 11 лунся представление подув вылын шуа:

1. Урчитны Коми Республикаса Сыктивдін районлөн да Сыктивкарлөн торъя мутасьясын лэбачьяслөн зэв патогенной грипп серти дзескөдан мероприятияс (карантин) 2023 вося йирым толысь 11 лунсянь лэбачьяслысь зэв патогенной грипп бырөдан мероприятияс нуөдны помавтөдз период вылө.

2. Дзескөдан мероприятияссьö (карантинсö) колö дугөдны Ветеринарной правилөясөн урчитом мероприятияс нуөдом бöрын.

3. Урчитны, мый зэв патогенной гриппөн эпизоотической висьманінөн лоö «Зеленечса чипан видзан фабрика» акционер котырлөн мутас пельöса (бергөдчан) чутьясөн татшөм географической координатьяса мудорьясын: 61,868884 войвыв широта 50,691176 асывыв долгота; 61,870575 войвыв широта 50,702867 асывыв долгота; 61,86837 войвыв широта 50,70427 асывыв долгота; 61,86606 войвыв широта 50,692734 асывыв долгота.

4. Урчитны опасной зонасö мутасын, мый лоö веськыда орччөн эпизоотической висьманінкөд эпизоотической висьманінлөн мудорьяссянь 5 километрöдз радиусөн, эпизоотической лоөмторсö, месталысь ландшафтын да географиян аслыспөлөслуньяссö, тайö зонаын меститчысь олан пунктяс, овмосьяс костын овмөс, транспорт да мукөд йитөдсö төд вылө босьтөмөн.

5. Урчитны видзёдан зонасё мутасын, мый лоо орччён ёпаснõй зонакõд 10 километрõдз радиусõн, эпизоотическõй лоõмторсõ, месталысь ландшафтын да географияын аслыспõлõслунъяссõ да тайõ зонаын меститчысь олан пунктъяс, овмõсьяс костын овмõс йитõдъяссõ тõд вылõ босътõмõн.

6. Дугõдны дзескõдан мероприятиеяслõн (карантинлõн) вына период вылõ:

а) эпизоотическõй висьманінын:

висьысь лэбачьясõс бурдõдõмсõ;

бокõвõй йõзõн мутасõ волõмсõ, уджалысьяс кындзи, кодъяс збыльмõдõны производственнõй (технологическõй) операцияс, сы лыдын лэбачьясõс видзõм серти, канму ветеринарнõй службаса специалистъяс да висьманін бырõдны корõм уджалысьяс, йõз кындзи, кодъяс олõны да (либõ) недыр кад кезлõ воисны мутасõ, кодõс шуõма эпизоотическõй висьманінõн;

лэбачьяс, пõжан кольк вайõмсõ да нуõмсõ;

лэбачьясõс мõдлаõ вуджõдõмсõ да выль пõв группируйтõмсõ;

начкан прõдуктъяс босътõм могысь лэбачьяс начкõмсõ;

лэбачьясõс начкан прõдуктъяс да пõtка видзан мукõд прõдукция нуõмсõ;

став сикас пемõслы кõрым нуõмсõ, кытчõ вермисны инмывлыны висьысь лэбачьясыс;

кувсьõм лэбачьяслысь гõн да пух куштõмсõ;

инвентар да мукõд материально-техническõй средство нуõмсõ, кутшõмьясõ вермисны инмывлыны висьысь лэбачьясыс;

лэбачьяссõ лэдзавлõмõн видзõмсõ;

пõжõм вылõ колькъяс пуктõмсõ;

транспорт средствояслысь пырõмсõ да петõмсõ (транспорт средствояс кындзи, кутшõмьясõн вõдитчõны эпизоотическõй висьманінсõ бырõдõм серти мероприятиеясын да (либõ) йõзлысь уджсõ могмõдигõн, кодъяс олõны да (либõ) недыр кад кезлõ воисны овмõс мутасõ);

лэбачьясõс кыйõмсõ, кутшõмьясõс пыртõма кыйсян-вõралан озырлун лыдõ, кыйсян-вõралан озырлунлысь лыдсõ ладмõдõм могысь кыйсьõм кындзи;

б) ёпаснõй зонаын:

лэбачьясõс да пõжан кольк вайõмсõ да нуõмсõ;

лэбачьяслы кõрым дасьтõмсõ да нуõмсõ;

лэбачьяссõ лэдзавлõмõн видзõмсõ;

видз-му овмõс ярмангаяс, выставкаяс, вузасьõмьяс да мукõд мероприятие нуõдõмсõ, кутшõмьяс йитчõмаõсь лэбачьясõс да мукõд сикас пемõсьясõс вуджõдõмкõд, новлõдлõмкõд да чукõртõмкõд;

лэбачьясõс кыйõмсõ, кутшõмьясõс пыртõма кыйсян-вõралан озырлун лыдõ, кыйсян-вõралан озырлунлысь лыдсõ ладмõдõм могысь кыйсьõм кындзи.

7. Урчитны, мый лэбачьяслөн зэв патогенной гриппон висьманін бырөдөм серти торъя мероприятиеяссö, кутшöмьясöс урчитöма Россия Федерацияса ветеринарной оланпастэчасөн, збыльмөдöны Ветеринарной правилöяс серти.

8. Коми Республикаса видз-му овмöс да потребительской рынок министерстволы вынсьöдны лэбачьяслысь зэв патогенной грипп бырөдөм да висьöм босьтчöдысьлөн паськалöмысь видзчысьöм серти мероприятиеяслысь план.

9. Тайö Индöдыс вынсялö сійöс официальнöя йöзöдан лунсянь.

Коми Республикаса Юралысь

В. Уйба

Сыктывкар

2023 вося йирым тöлысь 11 лун

109 №